

**Smart investment for
a better future**



KAMUPANI O PULEGA A LE FAAPUTUGATUPE TEUFAAFAIGALUEGA O FAAPUTUGATUPE A SAMOA

LIPOTI FAALE-TAUSAGA

MO LE 16 MASINA UA FAAI'UINA I LE ASO 30 IUNI 2011

FAAMATALAGA I LE PALEMENE



1 Tesema 2011

Afioga i le Fofoga Fetalai
Fono Aoao Faitulafono a Samoa
MULINUU

Afioga e,

E tusa ai ma le Vaega VI Fuaiupu 23 o le Tulafono mo Faalapotopotoga a le Malo (Faatinoga o Galuega ma le Mafai ona Tali atu) 2001, e tuuina atu ai lenei Lipoti Faale-tausaga mo le 16 masina ua faai'uina i le aso 30 o Iuni 2010, mo le talanoaina e le Fono Aoao Faitulafono.

O le Lipoti muamua lenei a le Kamupani talu ona faatuina faale-tulafono i lalo o le Tulafono mo Kamupani 2001, i le aso 15 o Fepuari 2010. Na faatuina le Kamupani na te pulea le Faaputugatupe Teufaafaigaluega o Faaputugatupe a Samoa (le "**Unit Trust of Samoa**" po'o le "**UTOS**").

O le Vaaiga Taula'i a le Kamupani o le taumafai lea ina ia "**avea le UTOS ma se faaputugatupe ua silisili ona lelei e teufaafaigaluega ai tupe aua se lumanai manuia**".

Ina ia ausia lea Vaaiga Taula'i, o le Manulauti a le Kamupani o le taumafai lea e "**faatosina mai se aofaiga aupito telē o ni tagata e teuina a latou tupe i le UTOS, faapea le umia o vaega eseese e teufaafaigaluega ai tupe a le UTOS, ina ia maualuga ni tupe maua mo le aufaiiunite**".

Ma le fa'aaloalo tele,



Faumuina Tiatia Faaolatane Liuga
MINISITA O TUPE

FAASINO AUTU

Komiti Faatonu ma le Pulega	3
Lipoti a le Taitaifono	4
Lipoti a le Ofisa Sili o Pulega	6
Tala o Tupe	11

KOMITI FAATONU



Faatonu
Magele Arthur Penn
Lesam Penn



Chairman
Afoa Asiata Kolone Vaai
KVA Consult Ltd



Director
Lavea Tupaimatuna Iulai
Lavea
Ofisa Sili o Pulega
Matagaluega o Tupe

PULEGA



Chief Finance Officer
Honsol Chan Tung



Chief Executive Officer
Sau Fiapaipai Justina Sau



Manager Marketing & Customer Services
Sami Maria Ale Faatonu

LIPOIT A LE TAITAFONO

I le ava ma le fa'aaloalo e tatau ai, ua tuuina atu ai lenei lipoti o le taunuuga o galuega a le Kamupani o Pulega a le Faaputugatupe Teufaafaigaluega o Faaputugatupe a Samoa (o le "**Kamupani**") mo 16 masina muamua se ia o'o atu aso 30 Iuni 2011. O le Kamupani o le Pule lea a le Faaputugatupe Teufaafaigaluega o Faaputugatupe a Samoa, le Unit Trust of Samoa (po'o le "UTOS"). I lalo o le Tulafono mo Faaputugatupe Teufaafaigaluega o Faaputugatupe 2008, ua tuuina atu i le Pule malosiaga uma na te pulea, mataitu ma teufaafaigaluega tupe ma isi meatotino a le UTOS mo le Tausi Mavaega. O tiute ma matafaioi a le Komiti Faatonu o le pulea lelei lea o tupe a le UTOS e pei ona faamatala atu i totonu o le Feagaiga (Trust Deed) i le va o le Tausi Maveaga ma le Pule a le UTOS lea na sainia i le aso 9 o Iulai 2010.

E pei ona silafia e le mamalu o le tatou atunuu, o le tausaga muamua lea ua faatino ai galuega a le Faaputugatupe ma ua na o le pau foi lea o sea ituaiga Faaputugatupe i totonu o Samoa. Na faatuina e le Malo le Kamupani i lalo o le vaavaaiga a le Matagaluega o Tupe seia o'o ina tofia lana Ofisa Sili o Pulega i le aso 23 o Fepuari 2011. Sa galulue faatasi le Komiti Faatonu, Tausi Mavaega ma le Komiti mo le Faaputugatupe le sa tofia e le Malo, ina ia faatuina aloaia le Faaputugatupe i le aso 9 o Iulai 2011. E tele ni lu'itau sa feagai ma ē uma sa galulue i lea taumafaiga peitai na matuā fiafia uma e galulue so'oso'o tauau mai lava i le amataga.

E tele ni lu'itau sa feagai ma le Pulega i totonu o lenei tausaga, aemaise le vaega tau maketi faapea ma le si'itia o le silafia ma le malamalama o tagata lautele i le teufaafaigaluegaina o a latou tupe pe a teuina i le UTOS, faatasi ai ma le mafua'aga ua faatuina ai lenei auaunaga e le Malo. Na amata mai Savaii ia November 2010 ni faatalatalanoaga faalauaitete peitai ua na o le 13 sui o le aufaiiunite mai Savaii ua faamauiina i le aso 30 o Iuni 2011.

Na sainia e le Kamupani se Feagaiga ma le Falemeli a Samoa ia Novema 2010 ina ia faafaigofie tagata o le atunuu o lo'o nonofo i Savaii ona teu a latou tupe i le UTOS. Peitai ua matauina e le o fa'aoga ina e le tele o tagata lea avanoa ae o lo'o alu ai le \$15,000 a le Kamupani i le tausaga. O lea ua iai se manatu i le Komiti Faatonu ma le Pulega e toe lloilo lea auaunaga.

Ua lagolagoina malosi e le Malo le UTOS ma ua tuuina mai foi lana faamalumaluga mo le isi 10 tausaga i le lumanai. Ua fa'aitiitia ai foi tulaga tau lamaitia o tupe ua teuina i totonu o le UTOS. Na amata le Kamupani i le aso 15 o Fepuari 2010 i se tupe faavae e \$500,000 mai le Malo. Sa toe faaopoopo iai le \$200,000 i lea tupe faavae ia Iulai 2010. Ua iai foi le faamoemoe a le Malo e fa'aauau ai pea lea fesoasoani tau tupe i totonu o le isi 3 ina ia faa'auau ai pea galuega a le Kamupani aua le tautuaina o tagatā nuu o Samoa.

E pei ona faailoa atu i Faamatalaga o Tupe e pei ona tuuina atu i lenei Lipoti, o lo'o iai se tupe gau a le Kamupani ona o le naunau ina ia manuia taumafaiga mo le tau amatamataina o le UTOS. Mo le tausaga na fa'ai'uina i le aso 30 o Iuni 2011, sa faigaluega fua le Kamupani e aunoa ma le mauaina mai o le totogifuapau mo le pulega e 1.5% i le tausaga. I le masina o Mati 2011, na le toe

totogiina ai le 3% totogifuapau mo le faatauina o luniti i luga o taumafaiga a le Komiti Faatonu ina ia faatosina mai tagata e teu a latou tupe i le UTOS faatusatusa i faletupe tumaoti.

Ua iai se ata faata'ita'i mo vaega tau tupe a le Faaputugatupe e iloa ai le tulaga tau tupe i totonu o 3 tausaga i le lumanai. O lea ata faata'ita'i ua iloa ai le taua o le ausia o se aofaiga e le itiiti ifo ma le \$40 miliona e teufaafaigaluagaina ona faatoa mafai lea ona tuto'atasi mai le Malo le faafoeina o galuega a le Pule ma le Faaputugatupe. O lea ua tulimata'i nei le \$40 miliona ina ia ausia i le aso 30 Iuni 2012.

E naunau pea le Komiti Faatonu ina ia faatino galuega i faaiga faavae ma taiala faapisinisi lelei ma maualuga ina ia faamautinoa le puipui ma saogalemu tupe a le aufaiiunite. O le Komiti mo Teufaafaigaluagaina o Tupe ma Suetusi ua tu'u iai le matafaii mo le mataituina lelei o faigafaavea ma tulafono i totonu lava ole pulega ina ia tausisi'a pea le lelei ona faatino galeuga.

O lo'o mataituina foi e le Komiti Faatonu le lautele o le aufaiiunite ona ua naunau le Komiti ina ia avea le UTOS ma se faaputugatupe aupito telē i le itu tau to'atele o tagata e teufaafaigaluaga ai latou tupe. I le faaiuga o le tausaga muamua, e 200 le aofaiga o le aufaiiunite ua iai. O lo'o taumafai le UTOS e fa'aluaina lenei aofaiga i le aso 30 o Iuni 2012.

E fia faamauina le agaga faafetai tele a le Komiti Faatonu, i le Malo o Samoa mo lana lagolago sua i le Komiti, faapea ma le anoanoa'i o fesoasoani ua tuuina mai ile UTOS talu ona faatuina. O ana faamalumaluga i le tuuina mai o ni vaegatupe e fesoasoani i le UTOS i taimi e le gafatia ai ona totogi aitalafu po'o tupe a le aufaiiunite. E le gata i lea, o faamalumaluga ua tuuina mo ana Faalapotopotoga o lo'o aitalafu i le UTOS faapea ma le paū i le tau aogā o sea a le SamoaTel. Ona o nei vaega uma, ua mautinoa lelei le sefe o tupe a le aufaiiunite o lo'o teufaafaigaluaga i le UTOS i totonu o le 5 tausaga o lo'o faagasolo nei.

E le gata i lea, ua malie foi le Malo e faapafala le totogiina o lafoga e le Faaputugatupe ma le kamupani a le Pule. O lo'o faia ni suiga i Tulafono e faamamaluina ai lea faaiuga.

A o le'i uma se faamatalaga, e fia faamauina foi le loto faafetai a le Komiti Faatonu, i le Afioga i le Minisita o Tupe, Afioga Faumuina Tiatia Liuga, faapea ma le Minisita o Tupe ua mavae, Afioga Papalii Niko Lee Hang, mo le lagolago sua ma le naunau ina ia ola lelei le faaputugatupe, aua le lelei o tagata nuu uma o Samoa.



Afoa Asiata Kolone Vaai
Taitaifono

LIPOTI A LE OFISA SILI O PULEGA

E tuuina atu ma le agaga fiafia tele lenei lipoti ua faamauina ai taunuuga o galuega a le faaputugatupe o le UTOS. E ui lava ina faigata le tau amataga ona o se ulua'i taimi lenei o lea foi ituaiga auaunaga, ae sa mafai ona taunu'u manuia fuafuaga ma galuega faatino.

O le tiute taua ma vaega o lo'o ave iai le faamuamua a le Kamupani o le pulea lelei lea o le Faaputugatupe. Ua le ausia e le Kampani se tupe fasili i totonu o le 16 masina o lo'o aofia i lenei lipoti e pei ona aiaia i totonu o le Tulafono. O le mafua'aga ua le ausia ai se tupe faasili ona ua ave le faamuamua i le ausia e le Faaputugatupe o se tupe fasili mai ana teugatupe, ae ua faamulimuli le Kamupani mo lenei taimi tau amata o le Faaputugatupe. I se va'aiga mamao, o le a faapea ona alualu i luga tulaga tau tala o tupe a le Kamupani pe maualuga le tulaga tau tupe ma tupe maua a le Faaputugatupe. A o'o loa i lea tulaga maualuga, o le a le toe faalagolago loa le Kamupani i le Malo i vaega tau tupe.

Otootoga o galuega faatino taua ua ausia mo lenei tausaga:

- Faatuina o le Faaputugatupe i le aso 9 o Iulai 2011.
- Fausia o le Taiala mo le Fuafaatatauina o Tupe a le Kamupani ma le Faaputugatupe ia Iulai 2010.
- Fausia o le Faiga Faavea mo le Teufaafaigaluegaina o Tupe, faapea ma le Taiala mo le Teufaafaigaluegaina o Tupe ia Aukuso 2010.
- Tuuina atu o le Faamatalaga o Alamanuia ia Setema 2010.
- Sainia o se feagaiga ma le Falemeli a Samoa latou te fesoasoani ai i le Kamupani i le aoina mai o talosaga ma tupe maua mai i le faatauina o iunite i tagata lautele, faapea fo'i ma le tuuina atu o faamatalaga i aufaiiunite ma tagata o lo'o fia teu latou tupe i le Faaputugatupe. O lea feagaiga na sainia ia Novema 2010.
- Umia o le 25% sea a le Malo i le SamoaTel i le tau e \$7.9 miliona.
- Amata aloaia o le Nonogatupe Teufaafeagaiga Tusitusia mo Faalapotopotoga a le Malo ia Mati 2011. O lea auaunaga fou ua maua ai se tupe maua a le Faaputugatupe i masina uma.

Faamatalaga Tau Tupe

E pei ona faamatalaina atu i le taimi muamua, e le o iloga na sologa lelei le tulaga tau tupe faasili a le Kamupani ona o ni mafua'aga e pei ona faamatalaina atu. O le aofaiga o se tupe gau mo le 16 masina ua mae'a e \$535,461. E pei ona faailoa mai ile Faamatalaga o Tupe Maua ma Tupe Faaalu, o le aofaiga o tupe maua e \$6,195; ua mauaina mai tului i le tusitupe a le Kamupani ma tului i luga o le \$50,000 o lo'o teu faavaitaimi i le Samoa Commercial Bank i lalo o se feagaiga ma le Malo. O le aofaiga o tupe fa'aalu e \$541,656. O le 53% o nei

tupe sa fa'aalu i le tologiina o le aufaigaluega, ae 15% sa fa'aalu i galuega tau maketi ma le faalauiloaina o le auaunaga a le Faaputugatupe.

I le itu tau Meatotino ma Aitalafu, o le aofaiga o meatotino maoti a le Kamupani e pei ona iai i le aso 30 i Iuni 2011 e \$216,480. O lo'o lelei le tulaga tau tupe fa'aagaga mo le tologiina o tupe fa'aalu ma aitalafu i aso uma e pei ona fa'aali mai ile vaevaega e 1.5 aseta mo 1 aitalafu.

Mo le Faaputugatupe, ua na o tupe maua mai tului o Nonogatupe Teufaafegaiga Tusitusia o lo'o maua ai ana tupe maua. O le a fa'aauau ai pea lea alagatupe tele mo le 3 tausaga i le lumanai. O le aofaiga o le tupe mama mo lenei tausaga e \$3,788. E ui ina laitiiti ae ua matuā sili atu lea nai lō le fuafaataata sa iai i le amataga o le tausaga. A ausia tupe maua o lo'o tulimata'i nei e pei ona faata'atitia i totonu o le Fuafuaga mo le Teufaafaigaluegaina o Tupe 2012 – 2014, o se tupe faasili ua fuafuaina o le a mauaina i le tausaga 2011-2011 e \$600,000.

Ua faatupulaia le aofaiga o meatotino a le Faaputugatupe mai le leai o se mea i le \$2.7 miliona i totonu o le 12 masina. Ua o'o atu foi i le \$10.43 miliona aseta faatusatusa i aitalafu e \$7.96 miliona. E taua tele ona matauina e le tou mamalu, o le \$7.9 miliona o nei aitalafu o le tau lea o le 25% o sea a le Malo i le Bluesky SamoaTel lea ua fa'ase'e mai i le UTOS. E le'i tologiina atu e le UTOS se tupe ile Malo mo nei sea sei'a mae'a le 5 tausaga ona faatoa amata lea ona togitogi faasolosolo. E taua foi ona matauina e le o iai se tului i luga o nei aitalafu mai le Malo. O lona uiga, e tataua ona su'e e le UTOS vaegatupe e amata ona togitogi ai nei aitalafu i le Malo pe a o'o atu i le tausaga 5.

Iunite ua tuuina atu

O mua'i Iunite e 100 sa faatauina e le Kamupani i le aso 9 o Iulai 2010 ina ia faatuina ma tatala aloaia ai le faaputugatupe e pei ona aiaia i lalo o le Tulafono mo Faaputugatupe Teufaafaigaluega o Faaputugatupe 2008. O lea fuainumera sa tuputupu ma o'o atu i le 2,476,265 Iunite i le aso 30 Iuni 2011. Na tulliloaina e le pulega se aofaiga e 5 miliona peita'i ua faamalieina lava le ausia o le 50% o lona aofaiga ona e le'i iai ni faamaumauga mautū na fua iai le 5 miliona. Ina ua mae'a le 6 masina muamua, ua iloa ai le faigata ona maua mai ni tupe teu mai le mamalu o le atunu'u o lo'o alala i nuu i tua sa mafua ai ona faavae le Faaputugatupe; aemaise lava le aufaifaatoaga ma le aufaifaiva. Ua le mafai ona mauaina mai i lenei vaega se vaegatupe ua manaomia e vave ola lelei ai le Faaputugatupe, peitai o lo'o naunau pea ma ave le faamuamua a le Pule ile faatosina mai o le mamalu o le atunuu o lo'o aofia i lea vaega. I le isi fo'i itu, ua tulimata'i foi e le Pule le aufaipisinisi o le atunuu ma tagata Samoa o lo'o nonofo i atunuu i fafo ina ia teuina a latou tupe i le Faaputugatupe.

Va'agia mamao i tulaga lamatia ma lu'itau

E pei lava o le tele o pisinisi e teuina faafaigaluega tupe, e iai lava tulaga e ono lamatia ai tupe faapea ma faafitauli e feagai ma le faafoeina o a latou galuega

Mo le Kamupani, o le tulaga lamatia e ono tula'i mai i le lumanai o ni suiga i faiga faavae ma fesoasoani a le Malo. Ua mafai ona fa'aaauau pea le faatinoga o galuega a le Kamupani ona o lo'o naunau pea le Malo e faamatu'u atu vaegatupe e ta'i \$500,000 i le tausaga mo le isi 3 tausaga o lo'o soso'o mai. A fa'afuase'i ona motusia lea vaegatupe, lona uiga o le a o'o atu loa le Kamupani i se tulaga faaletonu ma faamalosi ai loa ona tapui i lalo o le Tulafono mo Faalapotopotoga a le Malo 2011.

O le lu'itau tele o lo'o feagai ma le Kamupani o le taumafai lea e suia mafaufauga ma aga a o tatou tagata ina ia fiafia e teu ma teufaafaigaluga latou tupe. O lo'o finau malosi pea le pulega ina ia teuina mo se vaitaimi umi tupe i totonu o le Faaputugatupe.

Mo le Faaputugatupe, o le tulaga lamatia tumua lava o le pa'u lea i lalo o le tau aoga o sea a le Bluesky SamoaTel. E moni lava ua ia le faamalumaluga a le Malo i lea itu, peita'i o lea faamalumaluga e faagata lona malosi i le \$790,000 mo le 5 tausaga muamua. O lona uiga, o le isi vaega o le a pa'u maualalo ai le tau aoga nai lo le \$790,000 o le a faatupe lava e le UTOS. Peita'i e le o iai ni fuafuaga o le a o'o le UTOS i lea tulaga i le isi 12 masina po'o 3 tausaga i le lumanai.

O se va'aiga i le lumanai

Ua iai se fuafuaga o le a alualu lelei pe i luga le faatinoga o galuega ma tala tau tupe a le Kamupani mo le 3 tausaga o lo'o soso'o mai. E pei ona faailoa muamua atu, o le a fa'aaauau pea ona faalagolago le Kamupani i vaegatupe faavea mai le Malo. O le a fa'aaauau ai foi le mauaina o tupe gau mo le isi 3 tausaga o lo'o soso'o mai, ae peitai o le a fa'aitiitia le aofaiga o tupe gau i le alualu ai pea i luma o tausaga.

O lo'o sologa lelei pea se va'aiga i galuega faatino ma tala faaletupe a le UTOS mo le lumanai. Ua fuafuaina o le a si'itia le tau aoga o tupe a le aufaiiunite i le 6%, 10% ma le 11% i le tausaga 2012, 2013 ma le 2014 i lona faasologa. Ua iai le manatu maualuga o le pulega o le a ausia le \$40 miliona o lo'o tuliloaina mo tupe o le a teufaafaigaluegaina pe a o'o atu i le aso 30 Iuni 2012.

O le a fa'aaauau pea le vaai taula'i a le vaega o maketi i le faatosina mai lea o tagata lautele i nuu ma alalafaga i tua ma Savaii. I le amata ai o le mafai ona tipi sa'o mai teugatupe i le totogi a se tagata faigaluega, o le a tele ai le aofaiga o tagata o lo'o feololo o latou tamaoaiga o le a teuina a latou tupe i le UTOS. E o'o atu lava i le maualalo e \$10 i le lua vaiaso ua mafai ona tipi mai i le totogi.

Ua iai le fuafuaga mo le faalauiloaina atu o le UTOS i atunuu i fafo ina ia tosina mai ai tagata nuu o Samoa o lo'o aumau i nei atunuu. O lea fuafuaga o lo'o fuafuaina e amata i le ogatotou o le tausaga 2012. E \$5 miliona le aofaiga o se teugatupe ua tuliloaina e maua mai i lenei vaega. I so'u lava manatu, o le tafe

mai o tupe i totonu o si o tatou atunuu, o le a le gata i le si'itia ai o le teugatupe a le UTOS, ae o le a fesoasoani foi i le atina'eina o le tamaoaiga o si tatou atunuu.

A o le'i uma se faamatalaga, e momoli atu se faafetai tele mai le Pulega, faapea foi ma le fia faamauina o le lagolago sua a le Afioga i le Minisita o Tupe, le Komiti Faatonu, le Tausi Mavaega, Pulega ma le afaigaluega mo le ausiaina o se tulaga maualuga i lenei mua'i tausaga o le galuega. Ia alofa le Atua ma foa'i pea le tino malosi i tou Afioga aua le faatinoga o tiute ma galuega faale-malo, faale-lotu faapea faale-aiga.

Ma le fa'aalola tele,



Sau Fiaipai Justina Sau
Ofisa Sili o Pulega

TALA O TUPE

MO LE 16 MASINA FAAI'UINA 30 IUNI 2011

TELEPHONE: 27751
FAX: 24167
EMAIL: info@audit.gov.ws
Website: www.audit.gov.ws

P.O. Box 13
APIA, SAMOA



AUDIT OFFICE

LIPOTI A LE OFISA SUETUSI

KAMUPANI FAAPUTUGATUPE TEU FA'AFALUEGA O MAVAEGA TAUSI O SAMOA (PULEGA)

Ua mae'a ona matou su'eina le faamatalaga tau-tupe a le Kamupani Faaputugatupe Teu Fa'afaluega o Mavaega Tausi o Samoa (Pulega), e aofia ai le faamatalaga o le tulaga tau tupe e pei ona iai i le aso 30 Iuni 2011, le faamatalaga o faatinoga tau tupe, faamatalaga o suiga i tupe faavae ma tupe faaagaaga faapea ma tupe fetafeai, mo le 16 masina e pei ona faai'uina ai, o le oototoga o tu'utu'uga iloga faatausi tusi ma faamatalaga faapoopo.

O le Matafaioi a le Fono a Faatonu Mo Faamatalaga Tau tupe

O le Fono a Faatonu, e fitoi tonu mo le saunia ma le tu'uina talafeagai mai o faamatalaga tau tupe e tusa ai ma Aiaiga Faava-o-Malo i le Faalauiloaina o Lipoti Faale-tupe. O lea matafaioi e aofia ai le fausia ma tausia o puipuiga faalotoifale e talafetai i le saunia ma le tu'uina talafeagai mai o lipoti tau tupe e faapea e sa'oloto mai ni faamatalaga sese matuia e ono tupuga mai i le amio piopio po'o le sasi; le filifilia ma le faaogaina o tuutuuga faatausi tusi talafetai; ma le faia o tala faataui faatausi tusi e faapea e talafeagai i totonu o ia fesauaiga.

Matafaioi a le Suetusi

O la matou matafaioi o le faaalua lea o se manatu i luga o nei faamatalaga tau-tupe e faavae i luga o la matou su'ega. Sa faagasolo le matou su'ega e tusa ai ma Aiaiga Faa-Su'etusi Fa'ava-o-Malo. O nei Aiaiga Faa-Su'etusi e manaomia lo matou tautu i manaoga amiotonu talafetai e faataui i le auaunaga Faa-Su'etusi ma fuafua ma faatino le suega ina ia maua ai se mautinoa talafeagai e faapea ai o faamatalaga tau-tupe e aunoa ma ni faamatalaga sese matuia o iai.

O se suega e aofia ai auala faatino e maua ai mau Faa-Suetusi e tusa ai ma aofaiga ma folasaga i totonu o faamatalaga tau-tupe. O auala e filifilia e fua i le faamasinoga a le Suetusi, e aofia ai le auiliiliina o fa'afitauli mai faamatalaga sese matuia i faamatalaga tau-tupe, pe afua mai i amio piopio po'o le sasi. I le faiga o na auiliiliga o faafitauli, e aiaia e le Suetusi puipuiga faalotoifale e talafetai ma le saunia ma le tu'uina talafeagai mai ai o faamatalaga tau-tupe a le pisinisi ina ia faufau ai auala Faa-Suetusi e faapea e fetai ma ia fesauaiga, peitai e le mo le faamoemoe e faaalua ai se manatu i le agavaa o puipuiga faalotoifale a le pisinisi. O se suega foi e aofia ai le lauliliuina o le fetai o tuutuuga faatausi tusi o lo o faaogaina ma le talafeagai o tala faataui faatausi tusi sa faia e le Fono Faatonu, atoa ai ma le lauliliuina o le faatauiaga aotetele o faamatalaga tau-tupe.

Ua matou talitonu e faapea o mau Faa-Suetusi na matou maua ua lava ma fetai e tu'uina mai ai se faavae mo lo matou manatu Faa-Suetusi.

Manatu

I lo matou manatu, o le faamatalaga tau-tupe ua aumai ai se vaai e tonu ma talafeagai le tulaga tau tupe a le Kamupani Faaputugatupe Teu Faafaluega o Mavaega Tausi o Samoa (Pulega), e pei ona iai i le aso 30 Iuni 2011, ma ana faatinoga tau tupe ma ana tupe fetafeai mo le 16 masina e pei ona faai'uina ai e tusa ai ma Aiaiga Faavaomalo i le Faalauiloaina o Lipoti Faale-tupe.

Apia, Samoa
20 Oketopa 2011


Fuimaono Papali'i Camillo Afele
PULE MA SUETUSI SILI

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Lipoti a le Komiti o Faatonu
Mo le 16 Masina Faai'uina 30 Iuni 2011

Ua ma faamaonia o le Tala o tupe mo le Fa'aputuga Tupe Teu Fa'a-faigaluega o Faaputugatupe o Samoa (Pulega) e aofia ai le Faamatalaga o Meatotino ma Aitalafu, Faamatalaga o Tupe Maua ma Tupe Faaalu, Faamatalaga o Suiga i Tupe Faavae, Faamatalaga o Auala sa Maua Mai Ai Tupe ma Lo Latou Faaogaina faapea ma Faamatalaga faapoopo o Tala o tupe mo le 16 masina faai'uina 30 Iuni 2011:

- (a) ua aumai ai se vaaiga e tonu ma talafeagai i vaega e fitoitonu iai;
- (e) ua tu'u faatasia e ala i taiala ma faamatalaga manaomia e Aiaiga Faavaomalo i le Faalauiloanina o Tala-Faaletupe; ma,
- (e) ua faamalieina aiaiga o le Tulafono mo le Pulega o Tupe a le Malo 2001, Tulafono mo Faaputugatupe Teufaafaigaluega o Faaputugatupe 2008, Pepa Faamaonia o Feagaiga ma le Tulafono mo Kamupani 2001 (teuteuina ile 2006).

I le taimi nei, i le maua lava iloa i tulaga o iai, e le o iai ni vaega po'o ni mataupu ogaoga e ono faaseseina ai le sa'o ma le lelei atoatoa o lenei tala o tupe.

Ua ma tu'uina atu le faatagana e tuuina atu ai le tala o tupe o lo'o faapipiina atu, i le aso 20 o Oketopa 2011.



Sainia

TAITAIFONO KOMITI FAATONU

Apia, Samoa

20 / 10 / 2011



Sainia

FAATONU

Apia, Samoa

20 / 10 / 2011

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)
Faamatalaga o Tupe Faavae, Aseta ma Aitalafu
I le Aso 30 Iuni 2011

	Faamatalaga	2011 \$
ASETA		
Aseta e le na o le taimi nei		
Tupe Teu Fa'a-faigaluega i le UTOS		100
Fanua, Masini ma Meafaigaluega	7	87,526
Teugatupe Faavaitaimi	9	50,000
Aofaiga o Aseta e le na o le taimi nei		<u>137,626</u>
Aseta i le taimi nei		
Tinoitupe i faletupe ma isi vaega	8	77,167
Isi aitalafu totogi mai	10	1,688
Aofaiga o Aseta i le taimi nei		<u>78,854</u>
Aotelega o Aseta		<u><u>216,480</u></u>
TUPE FAAVAE MA AITALAFU		
Aitalafu i le taimi nei		
Aitalafu totogi atu		114
Isi aitalafu e le'i totogiina	11	18,464
Tupe faaagaga mo livi o le afaigaluega		33,363
Aofaiga o Aitalafu i le taimi nei		<u>51,941</u>
Tupe Faavae		
Tupe mai le Malo o Samoa	12	700,000
Tupe faasili (gau) ua faaputuputu		(535,461)
Aofaiga o Tupe Faavae		<u>164,539</u>
Aotelega o Tupe Faavae ma Aitalafu		<u><u>216,480</u></u>

O faamatalaga faaopoopo ua tuuina atu ua avea o se vaega taua o faamatalaga o tupe maua ma tupe totogi

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)
Faamatalaga o Tupe Maua ma Tupe Faaalu
Mo le 16 Masina Faai'uina 30 Iuni 2011

	Faamatalaga	2011 \$
Tupe Maua		
Tului		6,096
Totogifuapau e faaulu ma tala ai iunite		68
Isi Tupe Maua		31
Aofaiga o Tupe Maua		<u>6,195</u>
 Tupe Faaalu		
Fa'asalalauga & Fa'alauiloa Faapisinisi		38,165
Su'eina o tusi		10,000
Totogifuapau a Faletupe ma isi		453
Tupe Faaoga mo le Komiti o Faatonu	6(ii)	27,301
Tupe faaalu i Feso'otaiga		16,950
Faaitiitia le aoga o mea totino	7	16,913
Pili mo mataupu faaletulafono		5,741
Totogi o le Afaigaluega	5	286,545
Lesitala & Laisene		1,563
Lisi		6,323
Tausiga ma le faaleleia o mea totino		7,494
Isi tupe faaalu i galuega a le ofisa	4	117,512
Femalagaiga		6,595
Lafoga ua taofia		102
Aofaiga o Tupe Faaalu		<u>541,656</u>
 Faasiliga o tupe maua i luga o tupe faaalu		 (535,461)
 Tupe faasili/(gau)		 <u><u>(535,461)</u></u>

O faamatalaga faaopopo ua tuuina atu ua aveia o se vaega taua o faamatalaga o tupe maua ma tupe totogi

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)
Faamatalaga o Suiga I Tupe Faavae
Mo le 16 Masina Faai'uina 30 Iuni 2011

Faamatalaga	Tupe mai le Malo o Samoa	Tupe Faasili /(gau)	Aofaiga
Paleni amata mai le aso 01 Mati 2010	-	-	-
Tupe mai le Malo o Samoa	700,000		700,000
Tupe Faasili/ (gau)		(535,461)	(535,461)
Paleni aso 30 Iuni 2011	700,000	(535,461)	164,539

O faamatalaga faaopoopo ua tuuina atu ua avea o se vaega taua o faamatalaga o tupe maua ma tupe totogi

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Faamatalaga o Auala sa maua mai ai Tupe ma lo latou Faaogaina
Mo le 16 Masina Faai'uina 30 Iuni 2011

	Faamatalaga	2011 \$
Tupe maua / (totogi) i galuega fai		
Tupe maua mai Aufaiiunite		2,429,472
Tupe totogi i le Faaputugatupe (UTOS)		(2,466,816)
Tupe maua mai galuega ma auunaga		43,650
Totogi o oloa ma tagata faigaluega		(475,180)
Aofaiga o Tupe Maua / (Totogi) i galuega fai		<u>(468,873)</u>
Tupe maua / (totogi) i galuega faaolaola		
Tului mai tupe teu faavaitaimi		578
Tupe teu faavaitaimi		(50,100)
Faatauina mai o mea totino tumau		(104,439)
Aofaiga o Tupe Maua / (Totogi) i galuega faaolaola		<u>(153,960)</u>
Tupe maua / (totogi) i galuega faatupe		
Tupe maua mai le Malo o Samoa		700,000
Aofaiga o Tupe Maua / (Totogi) i galuega faatupe		<u>700,000</u>
Faaitiitiga i paleni o tinoitupe		77,167
Tinoitupe i faletupe ma isi vaega i le amataga		-
Paleni faaiu o tinoitupe		<u>77,167</u>
Paleni o Tupe i Faletupe	8	<u>77,167</u>
		<u>77,167</u>

O faamatalaga faaopoopo ua tuuina atu ua avea o se vaega taua o faamatalaga o tupe maua ma tupe totogi

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)
Faamatalaga Faaopopo o Tala o Tupe
Mo le 16 Masina Faai'uina 30 Iuni 2011

1. Tulaga Lautele

Na aloaia le fa'atuina o le Faaputugatupe i le masina o Mati 2010.

O le ofisa autu o le Faaputuga Tupe Teu Faa-faigaluega o Faaputugatupe o Samoa (Pulega) o lo o i le Fogafale lona fitu (7) o le Faletupe Tutotonu o Samoa.

O le Faaputugatupe o se fuafuaga ua aiaia faaletulafono lea ua pulea ai tupe po o meatotino e se faalapotopotoga mo le manuia o le toatele ua taua o le "Aufaiiunite po o 'tagata e iai aiā". O se iunite o tupe teu i totonu o se Faaputugatupe e atagia ai se sea o le meatotino o umia e le Faaputugatupe.

Na faavaeina le Faaputuga tupe mai le Tulafono o Tupe Teufaafaigaluega o Faaputugatupe 2008. O lo o faafoeina e le Komiti o Faatonu e toatolu ona sui, e taitaia e le Afioga Afoa Asiata Kolone Vaai. O isi sui o le Komiti o Faatonu e aofia ai le pule sili o le Matagaluega o Tupe faapea le sui o pisinisi tumaoti.

O nei faamatalaga o tala o tupe na faatagaina mo le tuina atu, e le Komiti o Faatonu i le aso 19 Aokuso, 2011.

2. Oototoga o faiga faavae faatausitusi faapitoa

a) Faamatalaga e tusa ma taiala

O nei faamatalaga o tala o tupe ua saunia e tusa ai ma taiala o *Tulafono Faatausitusi Faa-va-o-malo* na tuina mai e le Komiti o Faatonu o Tulafono Faatausitusi Faa-va-o-malo, o le Tulafono o lo o limata'ita'iina ai galuega a le Faaputugatupe o le Tulafono o Tupe Teufaafaigaluega o Faaputugatupe 2008 ma le *Tulafono o Pulega o Tupe a le Malo 2001* (PMFA)

e) Fua faatatau o tapenaga

O nei faamatalaga o tala o tupe ua saunia i luga o tau muamua o oloa se i vagana ai nisi vaega e ese mai ai ae o le a faailoa pea. O faiga faavae faatausitusi faapitoa ua faailoa ina ia fesoasoani i se malamalamaaga lautele i nei faamatalaga o tala o tupe

i) Faatusatusaga ma tausaga ua tuana'i

E iai ni paleni o tausaga ua mavae ua toe suia ina ia mafai ona fai ni faatusatusaga tatau ma paleni o le tausaga nei. E le o iai se aafiaga o le tupe faasili po o tupe faavae o le tausaga talu ai i suiga o paleni faatusatusa.

o) Tupe po o le tala faaogaina

O mea taitasi o lo o i totonu o nei faamatalaga o tala o tupe a le Faaputuga tupe ua fua faatatauina e faaogaina ai le tupe po o le tala Samoa.

u) Fefaatauaiga e faaogaina ai tupe a isi atunuu

O fefaatauaiga ua faia i tupe a isi atunuu ua faaliliuina i le tala Samoa e tusa ai ma fua faatatau o tupe faaliliu o aso na faatino ai nei fefaatauaiga. O aseta ma noataga faaletupe o lo o faapea ona faamauina i tupe a isi atunuu i le faaiuga o le tausaga faaletupe, ua faaliliuina i tala Samoa i le faaogaina ai o fua faatatau o tupe faaliliu i aso na faia ai na fefaatauaiga.

f) Tinoitupe

O tinoitupe e aofia ai tupe i le faletupe ma tupe teu faavaitaimi mo le faamoemoe o le faamatalaga o tupe maua ma tupe faaalu.

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)
Faamatalaga Faaopopo o Tala o Tupe
Mo le 16 Masina Faai'uina 30 Iuni 2011

g) Aitalafu totogi mai i luga o feaatauaiga ma isi

O aitalafu totogi mai i luga o feaatauaiga ma isi ua muai faamauina i o latou tau feaatauai ae toe fua faatauina mulimuli ane i le toese mai ai o se faaagaaga mo se faaleagaina mai o latou tau. O se faaagaaga mo aitalafu e faaletonu le totogiina mai, e faamautuina ina ua iai se faamaoniga maumaututu e le toe mafai e le Faaputuga tupe ona toe aoina mai ia aitalafu e tusa ma aiaiga i le taimi muamua. A le mafai ona totogiina mai se aitalafu, e tusieseina agai i faaagaaga mo aitalafu totogi mai. O aitalafu e mafai ona toe totogiina mai ae uma ona tusieseina, e toe faaopopo i tupe maua i totonu o faamatalaga o tupe maua ma tupe faaaga.

l) Aitalafu totogi atu

O aitalafu totogi atu, ua faamaonia ina ua talia e le Faaputuga tupe le totogiina atu o ni tupe i le lumanai ona o le faatauina mai o oloa ma auaunaga. O aitalafu totogi atu ua faamaonia i le tau feaatauai o le tupe e totogi atu i le lumanai mo oloa ma auaunaga ua maua mai. E tusa ai ma le natura o le tele o aitalafu totogi atu, o tau ina ua maea ona faaitiitia e talafeagai lava ma tau feaatauai.

m) Faaagaaga mo aitalafu totogi atu

O faaagaaga mo aitalafu totogi atu ua faamauina i faamatalaga o tupe faavae, aseta ma noataga ina ua iai se noataga e mafua mai i se mea na tupu ma e matua foliga mai e manaomia tele le totogiina atu o nei aitalafu; ma ia mafai ona fua faatatauina le aofaiga.

n) Tupe Maua

Tupe Maua mai Tului

O tupe maua mai tului e faamauina i le faamatalaga o tupe maua ma tupe faaaga i le faaogaina o se auala talafeagai lelei mo tupe tului.

Tupe faaalu

O faamaumauga uma i tupe faaalu ua faaalua lea i le Faamatalaga o Tupe Maua ma Tupe Faaalu i le taimi e tatau ai ona totogi atu nei aitalafu.

p) Fanua, masini ma meafaigaluega

O fanua, fale, masini ma meafaigaluega o lo o faamauina i le tau ua toesea ai le aofaiga o tau faaitiitia o meatotino talu mai le aso na faatauina ai.

O latou tau e aofia ai tupe faaalu uma e patino tonu i le faatauina ma le aumaia o nei mea totino i le nofoaga fuafuaina e tatau ona faafaigaluegaina ai. O polokame faa-komepiuta na faatauina ina ia faaaga faatasi ma nei meatotino ua avea o se vaega po o ua faa-meatotinoina.

O faaitiitiga o tau o meatotino tumau e fuafua mai i o latou tau na faatauina mai ai ma le umi fuafuaina e faaogaina ai, ua faamauina i tala o tupe maua ma tupe faaaga. O pasene e faaitiitia ai meatotino, o lo o taua i lalo:

- Meafale a le ofisa 20.00%
- Meafaigaluega a le ofisa 20.00%
- Meafaigaluega ma masini tau fesootaiga 33.00%

O tau o meatotino e totoe pe a maea ona faaitiitia, e toe auiliili ma toe iloilo i tausaga taitasi.

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Faamatalaga Faaopopo o Tala o Tupe
Mo le 16 Masina Faai'uina 30 Iuni 2011

O tau o meatotino e totoe pe a maea ona faaitiitia ma le umi e faaoga ai e toe iloilo, ma e suia pe a talafeagai, i le aso faaiu o le tausaga faaletupe.

O tau o meatotino ina ua maea ona faaitiitia e toe faaitiitia vave i a latou tau talafeagai fefaatauai pe afai e tele atu le tau ina ua maea ona faaitiitia nai lo le tau taumate talafeagai fefaatauai.

O tupe faasili ma tupe gau mai le aveeseina o aseta e maua mai le faatusatusaga o tupe e maua mai ai, ma o latou tau ua maea ona faaitiitia, ma faamauina i totonu o isi (tupe gau)/tupe faasili, i le faamatalaga o tupe maua ma tupe faaoga.

s) Lafoga faaopopo i tau o oloa ma auunaga

O lafoga faaopopo i tau o oloa ma auunaga na totogi atu e faamauina o se vaega o aseta po o tupe faaoga ona e le aafia le faaputugatupe i lea lafoga (VAGST).

t) Lafoga o Tupe Maua

Ua tuusaunoina le Faaputugatupe mai le totogi o lafoga o tupe maua i Samoa.

v) Faamanuiaga a Tagata Faigaluega

O lo o fai saofaga le Faaputuga Tupe i le Faalapotopotoga Faaputugatupe mo le Lumanai Manuia o Tagata Samoa e tusa ai ma le polokalame fai saofaga ma tulafono a le malo, ma e pau mai i le aofaiga o saofaga e tataua ona totogi atu. O ni noataga mo saofaga e tusa ai o lea polokalame e faamauina i faamatalaga o tupe maua ma tupe faaalu i so o se taimi e tulai mai ai.

O noataga mo aso livi e faaopoopoina ma faamauina i faamatalaga o aseta, noataga ma tupe faavae. O aso livi e faamauina i aofaiga e alagataua ona totogi atu e tusa ma aofaiga ua maua.

O noataga mo faamanuiaga i taimi puupuu ua fua faatatauina e aunoa ma se faaitiitia, ma e faamauina o se tupe faaalu pe a uma ona faatinoina le auunaga.

h) Tau o Nonogatupe

O tau o nonogatupe e faamauina i tupe maua ma tupe faaalu i le vaitaimi e faia ai ia fefaatauiga.

3. Matematega ma manatu taua faatausitusi

O le tapenaga o faamatalaga o tala o tupe ina ia o gatasi ma Tulafono Tausitusi Faa-va-o-malo (IFRS) e moomia ai le pulega ina ia faia o latou manatu ma faatatau e aafia ai le faaogaina o tulafono faapea aofaiga ua ripotia o aseta ma noataga, tupe maua ma tupe faaalu. O faatatau ma o latou faamatalaga fesootei na faia e fua mai luga o malamalamaaga o mea ma taimi ua tuanai ma isi vaega talafeagai. O nei faatatau ua fausia mai ai manatu e uiga i tau ma aoga o aseta ma noataga, i le le maua mai i isi ala. O iuga sa'o e ono eseese mai ia faatatau.

O faatatau ma manatu faavae e toe iloilo atili pea. Soo se suiga i faatatau e faamaonia i totonu o le tausaga pe afai e aafia na o le tausaga lena, po o tausaga foi i le lumanai pe afai e aafia ai tausaga na. I le faatinoina o faavae faatausitusi a le Faaputuga Tupe, ua faia ai e le pulega manatu ma faatatau e iai lo latou aafiaga taua tele i aofaiga ma paleni ua faamaonia i nei faamatalaga o tala o tupe.

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Faamatalaga Faaopopo o Tala o Tupe
Mo le 16 Masina Faai'uina 30 Iuni 2011

4. Isi Tupe Faaalu i galuega a le ofisa

Lisi o isi Tupe faaalu i galuega a le ofisa:

	2011
	\$
Taumafataga mama	12,628
Suau'u	622
Auaunaga lautele a le ofisa	2,676
Lafoga a le Ofisa i Pisinisi ma Faalapotopotoga	1,816
Tupe faaalu i meli	657
Lomiga ma tusitusiga	26,861
Totogifuapau mo le Samoa Post	8,750
Pepa mo le ofisa	16,418
Totogifuapau mo le Tausi Mavaega	20,625
Isi Tupe faaalu	26,460
Aofaiga o Tupe Faaalu i Isi Galuega a le Ofisa	117,512

5. Totogi o le Aufaigaluega

O totogi o tagata faigaluega o lo o faamanino atu i lalo:

	2011
	\$
Totogi o le Aufaigaluega	233,051
Faaputuga Tupe mo le Lumanai Manuia o Tagata Samoa	11,652
Faalapotopotoga o Faalavelave Faafuasei	2,330
Isi Alauni	6,148
Livi mo le Aufaigaluega	33,363
Aofaiga	286,545

6. Totogi mo le Komiti o Faatonu

i. Faatonu

O Faatonu o le Faalapotopotoga i totonu o le tausaga faaletupe e aofia ai:

Afoa Asiata Kolone Vaai	-	Taitaifono
Tupaimatuna Iulai Lavea	-	Sui mai le Matagaluega o Tupe
Magele Arthur Penn	-	Sui faatonu mai le vaega o pisinisi tumaoti

O totogi o le Komiti o Faatonu e \$27,301 na totogi i totonu o le tausaga e aofia ai alauni o fonotaga. O Faatonu e filifilia mai Faalapotopotoga ma Matagaluega a le Malo latou te le mauaina se totogi tau faatonu po'o ni aluni mo le auai atu i fonotaga.

ii. Totogi o Faatonu

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Faamatalaga Faaopopo o Tala o Tupe
Mo le 16 Masina Faai'uina 30 Iuni 2011

O totogi o tagata faigaluega o lo o faamanino atu i lalo:

	2011
	\$
Totogi tau Faatonu ma Alauni o Fonotaga	26,162
Lafoga i Pisinisi ma Faalapotopotoga	200
Tupe Faaalu i Fonotaga	939
Aofaiga o Totogi o Faatonu	<u>27,301</u>

7. Meafale, Masini ma Meafaigaluega

	Meafale ma Totoga	Meafaigaluega	Masini	Aofaiga
<i>Tau atoa o Mea Totino</i>				
Tau i le aso 1 Iulai 2009	-	-	-	-
Faaopoopoga o Mea Totino	31,069	6,590	11,025	48,684
Mea Totino ua aveeseina	-	-	-	-
Paleni i le aso 30 Iuni 2010	<u>31,069</u>	<u>6,590</u>	<u>11,025</u>	<u>48,684</u>
Faaopoopoga o Mea Totino	16,993	26,760	12,002	55,755
Mea Totino ua aveeseina	-	-	-	-
Paleni i le aso 30 Iuni 2011	<u>48,062</u>	<u>33,350</u>	<u>23,027</u>	<u>104,439</u>
<i>Faaitiitiga Faaputupu</i>				
Paleni i le aso 1 Iulai 2009	-	-	-	-
Mea Totino ua aveeseina	-	-	-	-
Faaitiitiga o Mea Totino mo le Tausaga	1,003	202	266	1,472
Paleni i le aso 30 Iuni 2010	<u>1,003</u>	<u>202</u>	<u>266</u>	<u>1,472</u>
Mea Totino ua aveeseina	-	-	-	-
Faaitiitiga o Mea Totino mo le Tausaga	8,032	2,165	5,244	15,441
Paleni i le aso 30 Iuni 2011	<u>9,035</u>	<u>2,367</u>	<u>5,511</u>	<u>16,913</u>
Tau totoe o Mea Totino i le aso 30 Iuni 2010	<u>30,066</u>	<u>6,388</u>	<u>10,759</u>	<u>47,212</u>
Tau totoe o Mea Totino i le aso 30 Iuni 2011	<u>39,027</u>	<u>30,982</u>	<u>17,517</u>	<u>87,526</u>

8. Tinoitupe I Faletupe ma isi vaega

O tinoitupe i le faaiuga o le tausaga faaletupe pei ona faaalua i le faamatalaga o tupe maua ma tupe:

	2011
	\$
Tinoitupe i le Faletupe	77,067
Tupe galue	100
Aofaiga o Tinoitupe i Faletupe ma isi vaega	<u>77,167</u>

9. Tupe teu Faavaitaimi

O tupe teu faavaitaimi o lo o faamanino atu i lalo

FA'APUTUGA TUPE TEU FA'A-FAIGALUEGA O FAAPUTUGATUPE O SAMOA
(PULEGA)

Faamatalaga Faaopoopo o Tala o Tupe
Mo le 16 Masina Faai'uina 30 Iuni 2011

	2011
	\$
Tupe teu Faavaitaimi	<u><u>50,000</u></u>

O lenei teuga tupe faavaitaimi o le "feagaiga" e pei ona aiaia I lalo o le Pepa Faamaonia o Feagaiga o Faaputugatupe (Trust Deed), ma e lē mafia ona talaina I tua.

10. Tupe Maua ae lei Totogiina mai

O tupe maua ae lei totogiina mai o lo o faamanino atu i lalo

	2011
	\$
Tului mai Tupe teu faavaitaimi	1,688
Lafoga faaopoopo i tau o oloa ma auaunaga (GST)	-
	<u><u>1,688</u></u>

11. Isi Aitalafu totogi atu

O isi aitalafu totogi atu o lo o faamanino atu i lalo

	2011
	\$
Totogi o le afaigaluega	4,669
Fa'aagaga mo le sueina o tusi	10,000
Isi aitalafu totogi atu	3,795
Aofaiga o Isi Aitalafu Totogi Atu	<u><u>18,464</u></u>

12. Tupe Faavae Fa'amaonia ma Totogiina mo Galuega a le Ofisa

O Tupe Faavae fa'amaonia ma totogiina mo Galuega a le ofisa o lo o faamanino atu i lalo:

	2011
	\$
Tupe Faavae faamaonia e100 sea	<u>700,000</u>
Tupe faavae ua maea faamatu'u ma totogiina	700,000
Aofaiga o Tupe faavae maea fa'amaonia ma totogiina	<u><u>700,000</u></u>

13. Noataga e ono Aliae Mai

E leai ni aitalafu ua manatu le Komiti o Faatonu e ono tulai mai i le aso e faapaleni ai tupe a le Fa'aputugatupe.

14. MeaTua ua Tutupu Talu mai le luga o le Tausaga

E le o silafia e le Komiti Faatonu a le Ofisa o Pulega nisi mea taua ua tutupu talu mai le iuga ole tausaga e ono suia pe aafia ai foi le tala o le tupe i lenei tausaga faaletupe.